

ՍԱՄՎԵԼ ՄՈՒՐԱԴՅԱՆ

ԷՋԵՐ Հ.ՏԵՐ-ԱՍՏՎԱԾԱՏՐՅԱՆՑԻ «ԱՂԷՏՆԵՐԻ ՅՈՒՇԱԳԻՐԸ» ՆՈՐԱՀԱՅՏ ՕՐԱԳՐԻՑ (1918թ.)

Ակադ. Մկրտիչ Ներսիսյանի (1909-1999թթ.) արխիվը նախնական մշակման ենթարկելիս երևան է եկել «Աղետների յուշագիրը. 1918թ.» խորագիրը կրող ձեռագիր մի ծավալուն օրագրություն (243 մեծադիր էջ), որի հեղինակն է Հ.Տեր-Աստվածատրյանցը: Կազմի վրա տպագրի նմանեցվող խոշոր տառերով գրված է. «Որդի՛ք Հայկայ, մենք կենաքի ջաղցրությիւնը չտեսանք, գոնե դուք տեսէք, որ մեր ոսկորները հանգստանան գերեզմաններում: ՀասէրԱս: 1/1 1918թ. ԹԻՖԼԻՍ»: Հեղինակի այս ձեռագիր աշխատությունը կատարելապես անձանոթ է հայագիտությանը: Օրագրության առաջին էջի վերին լուսանցի աջ եզրին կա այլ քանաքով ու գրչությամբ կատարված համարակալում՝ 273, և էջերի թիվ՝ 1-243: Ի հաստատումն հիշյալ թվերի ստուգության դրված է հստակորեն կարդացվող կնիք՝ «Խ.Ս.Հ.Մ. գիտությունների ակադեմիայի Հայկական [ֆիլիալ]: Армянский филиал Академии Наук [СССР]. Պատմության յեվ նյութական Կուլտ. ինստիտուտ. Институт истории и материальной культ.»։ Հետևաբար՝ ձեռագիրն իբրև արխիվային միավոր պատկանել է ԱրմՖԱՆ-ի (Գիտությունների ակադեմիայի Հայկական մասնաճյուղի) Պատմության և նյութական մշակույթի ինստիտուտին։ Սկադ. Մ.Գ.Ներսիսյանը 1937-41 թվականներին եղել է այդ ինստիտուտի գլխաշխատող, ապա և տնօրեն։ Պիտի ենթադրել, թե նա մտադրություն է ունեցել եթե ոչ ամբողջապես հրատարակել նոր ժամանակների պատմության այս կարևոր աղբյուրը, ապա գոնե նրանից քաղումներ կատարել 1918թ. իրադարձություններին անդրադառնալիս։ Կարծում ենք, սակայն խորհրդային տարիներին ամբողջական հրատարակություն կատարելը գործնականորեն անկարելի էր, քանի որ օրագրական գրառումներում պաշտոնական պատմագրությանը հակասող, հաճախ նույնիսկ բուլշևիկների վարած քաղաքականությունը ուղղամտորեն քննադատող էջեր կան, գաղափարական ակնառու հակադրումներ։ Այս իրողությունը թույլ է տալիս վարկած առաջադրել, թե գուցե ինստիտուտի տնօրեն Մ.Գ.Ներսիսյանը պարզապես արխիվի հերթական «գտումից» փրկերու

համար «Աղետների յուշագիրը» վերցրել է ե «մոռացության տվել»։ Այստեղ նկատառելի է երկու պարագա նս. ինչպես տեղեկանում ենք գիտնականի մի հարցազրույցից, 1930-40-ական թվականներին մա քանիցս գաղափարական քննադատության և նույնիսկ ամբաստանության է ենթարկվել. հեռաբար այս ընթացիկ հրատարակությունը վստահաբար կծանրացնելու մյուս վիճակը, և ապա՝ 30-ական թվականների վերջերից մա դադարեց զբաղվել Դաշնակցություն կուսակցության պատմության հետ կապված հարցերով։ «Ինձ համար պարզ դարձավ, որ հնարավոր չէր ճշմարիտ խոսք ասել այդ կուսակցության մասին։ Սկսեցի զբաղվել հայ ժողովրդի XVIII և XIX դարերի պատմության հարցերով» (տես «Ակադեմիկոս Սկյուրիչ Ներսիսյան», Երեւան, 2004, էջ 10-11)։

Հ.Տեր-Աստվածատրյանցի օրագրությունները վերաբերում են 1918 խոնավարի 1-ից մինչև իունիսի 20 կատարված իրողություններին, հավասարապես առնչվելով այդ շրջանում հայոց միջավայրում գործող բոլոր կուսակցություններին, և առաջին հերթին, բնականաբար, դաշնակցությանը։ Ինչևէ, փաստն այն է, որ աշխատությունը պահպանվել է և նրանում գրստված տեղեկությունները կարևոր լրացումներ են կատարում 1918թ. առաջին կեսի բարդ ու բազմաշերտ իրադարձությունների գնահատության խնդրում։ Հեղինակը գրառումներ կատարելիս և անցողաբար վերլուծելիս չի գոհանում պաշտոնական շրջանների (Անդրկովկասի Սեյմի և նրանում ներկայացված կուսակցությունների) տված տեղեկություններով ու գնահատություններով։ Նա կարողանում է տեղեկանալ ստացվող հեռագրական նյութերին, ճանաչել Սեյմում ներկայացված էթնիկական ու կուսակցական խմբավորումների շահագրգռությունները, դիտարկել դրանք հայոց ազգային խնդիրների տեսանկյունից։ Օր-օրի կատարվող դեպքերին հետևելիս, բնականաբար, գրառողը գերծ չէր կարող մնալ քաղաքում (Թիֆլիսում) շրջանառող լուրերի ազդեցությունից, իբրև անհատ արձագանքում էր դրանց՝ ներկայացնելով կենդանի առօրյա իրողությունը։ Նա հնարավորություն չունի լրացուցիչ ստուգումների ենթարկելու արձանագրվող անցքը. ուստի մյուս ոչ բոլոր գրառումներն են հավասարապես փաստական, բայց որ գործ ունենք լայն իմացությունների ու ազգային ազնիվ մղումներ ունեցող հմուտ մի հեղինակի հետ՝ անվերապա է։

«Աղետների յուշագիր» հեղինակի մասին մեր ունեցած տեղեկությունները խիստ սահմանափակ են, բացառապես քաղված մյուս օրագրության էջերում եղած ոչ ուղղակի վկայություններից։ Հույս ունենք, թե Երևանի և Թիֆլիսի արխիվներում կարելի պիտի լինի ի հայտ բերել մյուս կյանքին ու գործունեությանը վերաբերող մոր նյութեր։

Այստեղ ի ծանոթություն ընթերցողին է առաջարկվում մեր կողմից տպագրության պատրաստվող բնագրից մի քանի էջ՝ մարտի 1-6 եղած օրագրությունները. ուր ներկայացվում են Երգումը բուրքերին հսնձնե-

յու պարագաները, ինչպես նաև դրվագներ Սեյմի ներկայացուցիչների և քույր պատվիրակների միջև սկսված բանակցությունների նախնական ընթացքից:

Հաճելի պարտք ենք համարում շնորհակալություն հայտնել տիկին Նունե Դեյույսմին՝ Մ.Գ.Ներսիսյանի արխիվում պահպանված այս բնագիրը մեզ ի հրատարակություն տրամադրելու համար:

«ԱՐԷՏՆԵՐԻ ՅՈՒՇԱԳԻՐԸ. 1918»

1 մարտի

Սարիղամիշից գեմ. Օդիշելիձեն հեռագրում է, որ փետրուարի 27-ին, ցերեկույ ժամը 12-ին տաճիկները գրաւել են Լրգրումը: Աղել է թեթև կռիւ, վիրաւորուած է գնդապետ Թորգոմը, մեր կողմից կորուստ եղել է 200 վնասուածներ (*):

- Թիֆլիսի Սօցիալիստ-յեւափոխականների Կեդրոնական կօմիտեն յայտարարել էր չենթարկուել Ազգային խորհրդի կողմից յայտարարուած զօրակոչին, սակայն դրա դէմ բողոքել են Ախալցխայի հայ սօցիալիստ յեղափոխականները: Ասում են, որ Սօցիալ-յեղափոխականների շրջանային կօմիտեն ուղղել է արդէն իր այդ սխալ քայլը:

Հաշտարար պատուիրակութիւնը. - Տաճկական պատուիրակութիւնը Շելվէտ նաւով 27-ին փետրուարի հասել է Տրապիզոն, բաղկացած 5 հոգուց, նախագահութեամբ ծովային գնդապետ Ռայիխ բէյի: Մեր պատուիրակութեան քարտուղարը ողջունել է նրանց նաւի վրայ, որից յետոյ տաճկական մի սլատուիրակ եկել է մերոնց մօտ՝ պայմանաւորուելու տեսակցութեան տեղի և ժամի մասին: Նախնական մի քսնի հարցեր պարզելու համար Ռայիխ բէյը և Չխէնկելին տեսնուել են մի տան մէջ, որը ուղիւստ էր ժողովի համար: Որովհետև մերոնց յայտնի չէ տաճկական կառավարութեան պատասխանը վերջին հեռագրին՝ մեր շրջանների մէջ էվակուացիայի մասին, ուստի Չխէնկելին պատուիրակութեան նախագահին հարց է առել, թէ յայտնի՞ է արդեօք նրան տաճկական գեներալիսիմուսի առաջարկը և ընդունո՞ւմ է նախագահը այդ առաջարկութիւնը, իբրև ոչ ցանկութիւն Օտտոմանեան կառավարութեան՝ շարունակել հաշտութեան բանակցութիւնները, նախագահը պատասխանել է, որ ինքն այդ առաջարկի մասին ոչինչ չի գիտէ և խնդրում է Չխէնկելու հարցը գրաւոր կերպով ներկայացնել: Տաճիկներն իրենց պատասխանի համար ժամանակ են խնդրել և յայտնել են, որ իրենց նպատակն է հաստատուն հաշտութիւն կնքել: 28 փետր. մեր պատուիրակութիւնը ափ է դուրս գալիս հաշտութեան բանակցութիւնների համար:

- *Գերմանացիք* գրաւել են Պետրոգրադը, բօլշևիկները Մոսկուա են տեղափոխուել:

- *Անգլիացիք*. - Այսօր քաղաքումս լուրեր են պտտում, որ անգլիացիները զինուած ընկիարումներ են ունեցել Թեհրանում և Ռաւրիզում պարսկական զօրքերի հետ և իբր թէ գրաւել են այդ քաղաքները: Ինձ այդ լուրը հաղորդողն է Թիֆլիսի հեռագրատան ծառայողներից մի հայ ծառայող:

- Լոյս տեսաւ «Կարմիր օրեր» թերթի N 2-ը:

- Այսօր, Թիֆլիսի ժողովարանի տարեկան ժողովին ես ընտրուեցայ աւագ: Ժողովն ընդունեց միաձայն իմ առաջարկը՝ գումարել մօտակալում առաձին ժողով և քննել Թիֆլիսի ժողովարանը «Հայկական Ակումբ» անուանելու հարցը: Իր 28000ռ. գուտ արդիւնքից 15000ռ. յստկացրեց Ազգային խորհիւլին:

Էրզրումի առման մանրամասները. - Սէյմի նախագահը 28 փետր. ստացել է հետեւեալ հեռագիրը՝ «Հաղորդում եմ գեներալ Վրիշինսկու 27 փետրուարի ուսած N 498 հեռագրի պատճենը. ի տեղեկութիւն գեղապետ Ջինկէլիչը Հասան-Ղալայից հաղորդում է, որ այսօր փետրուարի 27-ին լոյս ծագելիս Էրզրումի բելոագնդի (гарнизон) մասերը, իրենց գլուխ ունենալով Առաջին հայկակտն գունդը, սկսեցին թողնել քաղաքը և հեռանալ: Թիւրքերը առաւօտուանից սկսեցին յարձակուել Խարբերդի, Տրապիզոնի և Օլթու կողմի արտաքին ամրութիւններից (равелины) և 7 ժամին առաւօտեան Տրապիզոնեան ամրութիւնը գրաւուած էր նրանց կողմից, չը նայած կապիտան Ստօյակիին զիսաւորութեամբ անձնուել կերպով մի բուռն զինուորների կողմից եղած պաշտպանման և բերդի արտիլերիայի սպայի: Սորանից յետոյ սկսուեց ամբողջ բերդապահ զօրքի տարեբայինն նահանջը, որոնք հաւաքուեցան Հասան-Ղալէում: Կօմանդիրը Հասան-Ղալա և Խնուս տուել է հետեւեալ հրաման. «Հասան-Ղալա. գեն. Անդրանիկին, Խնուս՝ գեղապետ Օսիպովին. Հրամայում եմ գեն. Անդրանիկին Էրզրումի զօրամասը (отряд) ժողովել Հասան-Ղալէ ե ձեռք առնել բոլոր միջոցներ հանգստացնել և կարգի բերել: Էրզրումի զօրամասին՝ որքան կարելի է երկար դիմանալ Հասան-Ղալէի շրջանում, որպեսզի ապահուին Խնուսի զօրամասի նահանջը դէպի Քէֆրիքեօյ: Գեղապետ Օսիպովին հրամայում եմ իր զօրամասով հիմնկուանից սկսել հետզհետէ նահանջել դէպի Քէֆրիքեօյ: Հէնց որ Խնուսի զօրամասը կը գայ այդտեղ, ամբողջովին մտնել գեն. Անդրանիկի հրամանատարութեան ներքոյ: Կարմուճի զօրամասին հրամայում եմ հետզհետէ նահանջել դէպի Ղարաքիլիսա: 27 փետրուարի, 16 ժամ. 30 ը. (երեկայեան 4ժ. 30ր.): Օղիշելիձէ:

Որովհետև ոչ մի յարաբերութիւն չունեմ Վանի հետ, խնդրում եմ, զօրքի հրամանատարի հրամանով, ձեր կարգադրութիւնը Վանի զօրամասի վերաբերեալ կարգադրութիւններ անելու և նրան յայտնել համապատասխան վիտողութիւններ: 27 փետր. Վրիշինսկիյ»:

- 25 և 26 [փետրուարի] Էրզրումի շրջանում մեր առաջագմաց զնդերը Ըլիլիջայի և Թանլիա-Ղարսսու ուղղութեամբ հանդիպելով թիւրքական կազմակերպ գործամասերին, թնդանօթներով, զնդացիորհներով և հեծեալ զնդով կոուով ետ քաշուեցան դէսլի Էրզրումի ամրութիւնները, կորցնելով 10 սպանուած և 180 վիրաւոր և անյայտ կորած 50 մարդ, կանտուղիայի է ենթարկուած ենթզնդապետ Թորգոմը և ծանր վիրաւորուած է Տէր Ղանլիէւան: Խնուսի կողմեր, Խնուսից դէսլի հիւսիս Մանջիլլի գիւղի մօտ քշել են քրդերին: Քելլիի շրջանում (Խնուսից հարաւ) նոյնպէս քրդեր են երևան հանուած: Ճարբորխի կողմեր քրդերին քշել են, իսկ Ախլաթի մօտեք ունեցել են ընդհարումներ մեր առաջխաղաց զնդերը:

- Պաշտոնական յայտարարութիւնից երևում է, որ մերոնք Էրզրումում շատ բան չեն կարողացել ոչնչացնել և թողել են թէ ռազմամթերք և թէ պարենատուրում: Մեր կորուստներն են 200-ից աւելի սպանուած և վիրաւոր, և մօտ քսան սպայ, որոնք անհետք կորել են:

- Վրացիք գինուում են և ճանապարհուում Բաթումը պաշտպանելու և ամբողջ Գուրիան ստի է կանգնել:

Խորհրդածութիւններ 1. Անդրկովկասեան կառավարութիւնը շարունակ խանգարում էր մեր Ազգային խորհրդին իր ժամանակին գորահաւաք անել. Ազգային խորհուրդը յայտարարեց գորահաւաք 19-32 տարեկանների, իսկ Անդրկովկ. կառավարութիւնը՝ մինչև 25 տարեկանները: Այսպիսով, ի հարկէ հնար չեղաւ ժամանակին ամրացնել ռազմաբեմը: Սրա պատճառն այն է, որ տեղական կառավարութեան վրացի անդամները միամտաբար ասեմ թէ յիմարաբար (ըստ վրացական սովորութեան) լսեցին թուրք-թաթար անդամներին և գործը փչացրին: Դէ սիրելիք, մահմեդականը մահմեդական է, և նա պարզ աշխատում է իր հաւատակցի համար ... 2. Խանգարիչների դելումն էին նաև մենչկիկները, որոնք սպառնում էին դուրս գալ Ազգային խորհրդի կազմից, և թաղեցին գործը: 3. Հայ սօցիալ-լեռնափոխականները հօ պոռնիկի դերի մէջ մտան և ափաշկարայ կոչ արեցին չլ հնազանդուել Հայոց Ազգային խորհրդի գորակոչին և դասալիք զինուորների պաշտպան կանգնեցին: 4. Գեներալ Օդիշելիձէն, որ Էրզրումի շրջանի հրամանատարն է, անժամանակ, *ինչ-ինչ դիտումներով* թողեց Էրզրումը և իր կայանը փոխադրեց Սարիղամիշ: Սա էլ պօլիտիկա՞ է թէ ոչ: 5. Անդրամիկը շարունակ գորք էր խնդրում, սակայն նրան լսող չեղաւ, և նրա խնդիրը չլ կատարուեց: Այսպէս, ահա, դէտրը միաբանուեցան, որ միահամուռ ուժերով կործանեն հայկական գործը:

Մէյմ Նիստ 26 փետրուարի նուիրում էր Վեհիք - փաշայի առաջարկին՝ դադարել Բաթում, Ղարս և Արդահան: *Գեգէկօրին* և գլխաւոր հրամանատար գեմ. *Լեքեղիսկին* հաղորդեցին մանրամասնութիւնները, որ մեր պատուիրակութիւնը հասել է Տրապիզոն, իսկ Թիւրքիոյ պատուիրակութիւնը չի եկել, իսկ վերջինս էլ, որ Թիւրքիան ամրացնում է Տրապի-

գունի շրջանը Եւրոպայից վտխադրած գօրքերով, և սկսուեց հարցի քննությունը, առաջին ճառախօս մեմշէիկ *ժորդանիսն* առաջարկեց, որ պէտք է կնքել պատուաւոր հաշտութիւն և հայրենիքի պաշտպանութեան համար պէտք է ամբողջ յեմոկրատիսն գէմքի դիմի և որ գլխաւորն է՝ պահել այն, ինչ որ տուել է յեղսվախութիւնը: «Մուսաաթի» կողմից *խան-խօյիսկին* մահմէդական սովորական խորամանկութեամբ առաջարկում է այդ հարցը քննել այն ժամանակ, երբ դա կարևոր կը լինի հաշտութիւնը չը գլուխ գալու պատճառով: Ուրեմն՝ սա ուզում է կովկասեան ազգերին քնացնել, որ թիւրքերը ներս գան ազատ կերպով: *Շահ-խարունին* դաշնակցութեան կողմից յայտնում է հայերի պատրաստակամութեան մասին տալ գոհեր հայրենիքի պաշտպանութեան համար: Սօցիալ-յեղսվախական *Լօյսկիպանիժէն* և կաղետ *Իւ. Մեմեօնովը* կանգնած են ժորդանիայի տեսակետի վրայ, և Սէյմը ընդունում է քանաձև, որով կառավարութեան արած քայլերին տալիս է իր հաւանութիւնը:

27-ին վիետրուարի եղստ պատմական նիստ՝ նսիլուած յեղսվախութեան տարեդարձին, որը շատ կարճ էր, և ճառ խօսեց միայն Սէյմի նախագահ Ն. Ս. Չխէիժէն: Նիստից յետոյ պալատի առջև տեղի ունեցաւ միտինգ, որտեղ խօսեցին Չխէիժէն, Գէգէշկօրին, Մեսխիւք, Իս. Բամիշ-վիլին. Արզումանեանը, ժուռնալիստ Վօյնիտլինսկին և ուրիշները:

2 մարտի

Մէյմ. 28/Ա դաշնակց. Համասփիլո մտցրել է հարց Գանձակի մասին, որ հայերը և թուրքերը կողիացել են վերջնականապէս և կարող է սարսափելի վախճան առաջանալ, որի համար ընտրում է առանձին պատգամաւորութիւն:

Առայժմ Սէյմում կան 24 վրացի, 28 հայ, 37 մահմէդական, 4 ռուս, 1 գերմանացի, 1 օս, 1 լեզգին, 1 քուրդ և 2 թաթար պատգամսնորներ, որոնցից 16 փաստաբան, 17 ժուռնալիստ, 8 ինժեներ, 16 մանկավարժ, 6 քիմիկ, 3 զինուորական, 1 կօմտորշչիկ, 1 առևտրական, 3 բանուոր, 9 մոնիցիյալական գործիչներ, 9 ուսանող, 1 գրականագէտ, 1 ազդուն, 1 երկրաչափ, 1 հաշուապահ, 1 քիմիկոս և 2 հրապարակախօս: Սորանցից 62 բարձրագոյն կրթութեամբ, 28՝ միջնակարգ (որոնց թում և ուսանողները 9 հ.), 8 ստորին և 1 ընտանեկան կրթութեամբ, իսկ 1-ը անգրագէտ:

Էրզրումի առման մասին գեն. Օղիշելիձէից ստացուած է գրութիւն՝ ուղարկուած 27 փետր. և ստացուած մարտի 1-ին. «Գեն. Անդրանիկի շտաբի կառավարիչ գեղապետ Զինկէիչը 27 փետր. 22 ժամին Քեֆրիքեօյից ապալարատով գեկուցեց հետևեալ մանրամասնութիւնները մեր գօրքերի Էրզրումը թողնելու մասին. նախ ռազմական հրամանները չը կատարելու պատճառով (բաց է թողած) ... և երկրորդ, Էրզրումից հեռանալը տեղի ունեցաւ այն պատճառով, որ հայկական գօրամասերում, ո-

րոնք կազմուած էին ռուսահայերից, նկատելի էր ցանկութիւն տուն վե-
բադառնալու, իսկ թուրքահայերի զօլսմաստելում՝ գլխովին դեգորգանի-
զացիւս, որովհետև պակասում էին սպաներ ե ենթասպաներ ե մանա-
ւսնոյ որ այդ մասերը ռազմական պատրաստութիւն չունէին: Ամբողջ
հետևակ զօրքը, որ Էրզրումում բաղկացած էր 3000 իռզուց, մի ամբոյսի
փոխուեց: Ձիմուորները մատում են գնացքների մէջ, բաց պատօթորմների
վրայ և ճանապարհում դէպի Սարիղամիշ: Սպաները մեծ մասամբ մնա-
ցին Հասան-կալէում: Ջօրամասի վստահելի մասն են կազմում միայն
Մուրադի ե Սեսպուհի ձիաւոր զօրամասերը, որոնց հրամայուած է
պաշտպանել նահանջը և որը կը շարժուի դէպի ետ ռազմական կարգով:
Այդ զօրամասն ունի 6 լեռնաթնդանօթ: Հասան-կալէն թալանուած է և
այրում է: Այդ բոլորն այնքան արագ է կատարուել, որ մօտ 20 արտիլե-
րիստ սպաներ մնացել են Էրզրումում, և Ձենկէիչը համոզուած է, որ չեն
փչացրած այն բոլոր արտիլերիան, որոնց համար հրաման էր տուած
ոչնչացնել: Դուրս է բերուած 4 լեռնաթնդանօթի կողպէքներն ու պանօ-
րամները, արտիլերիական պահեստում մի պայթուցիչ ական է դրուած,
որը պէտք է պայթել 27-ի 11 1/2 ժամին Ախալէ կոչուած ամրութեան
վրայ: Տրապիզոնեան դրան մօտ եղած պարենաւորման մեծ պահեստը
մնաց անվնաս: Յիտադելի գլխավոր արտիլերիական պահեստը պայ-
թուցուեց Էրզրում մնացած սպաների խնդրով: Էրզրումի վրայ յարձակո-
ւող զօրքերի քանակը Ձենկէիչը որոշում է՝ կանոնաւոր հետևակ զօրք
3000 մարդ 4 թնդանօթով և 4 զնդացիիով, 1 հեծելազօր գունդ, 3 էսկադ-
րոն խառն զօրամաս և 1 օդանաւ: Մեր կորուստները մօտաւոր հաշուով
աւելի քան 200 մարդ սպանուած և վիրաւոր: Գեն. Անդրանիկը իր շտա-
բով անցաւ Քէֆրի-քեօյ՝ հաւատ չունենալով Հասան-Ղալայի պաշտպա-
նութեան համար կազմել գոնէ պաշտպան փոքրիկ զօրամաս և որպէսզի
կազմակերպէ Քէֆրի-քեօյի համար որևէ պաշտպանութիւն: Այսօր 28
փետր. զեն Անդրանիկը զեկուցեց, որ այսօր առաւօտուանից Քէֆրի-
քեօյն դատարկուած է, և Հասան-Ղալայից առաջագնաց զօրամասը հե-
ռանում է, թէպէտ թշնամին ո՛չ մի տեղ չի երևում: Գեն. Անդրանիկը Խնու-
սի զօրամասին հրամայել է ետ գալ Կարաուրզան և այնտեղ կանգ առ-
նել՝ պահապան մասեր կանգնեցնելով: Ձիմուորների տարերային շար-
ժումը դէպի Սարիղամիշ շարունակուած է, և զեն. Անդրանիկը ենթադրում
է, որ յոյս դնել մինչև անգամ ժամանակաւորապէս Սարիղամիշում ան-
կարելի է: Որովհետև միանգամայն անյուսալի է պաշտպանել Թիւրքա-
հայաստանը: Ես այսօր ուղարկում եմ Վեհիբ - փաշային հետևեալ ռա-
դիօհեռագիրը. «Որովհետև հաշտութեան բանակցութիւններն սկսուած
են Տրապիզոնում մեր կառավարութիւնների միջև, ես հրամայել եմ Թիւր-
քահայաստանում գտնուած բոլոր զօրամասերին քաշուել դէպի պետա-
կան սահմանը: Ես համոզուած եմ, որ ձեր կառավարութիւնը, համաձայն
ձեր նախկին հաղորդակցութեան, նոյնպէս իր զօրքերը կը կանգնացնէ

սլետական սահմանների վրայ. մինչև որ կը վերջանան հաշտութեան բանակցութիւնները: 28 փետր. 12 ժ. N 493. Օղիշելիձէ»:

Օղեսան գրուել են գերմանացիները:

Ե. *Գեգէչկօրի* կարգադրել է, որ Քութայիսում ընդհանուր զօրահա-
ւաք լինի և սրստրաստութիւններ տեսնեն պաշտպանելու Բաթումը: Տա-
ճիկները գալիս են Բաթումի վրայ, Գուրիան ոտի է կանգնել, իսկ ինչ վե-
րաբերում է աճարներին (մուսուլման-վրացիներ) նրանք դաւաճանու-
թեամբ են գրադուած և պարզ կերպով տաճկաց կողմնակիցներ են:

3 մարտի

Արլահանի քրիստոնէայ բնակչութեան դպրութիւնը շատ է ծանրացել
մանաւաճող քիւրքսց արշաւանքների պատճառով և ճանապարհներ էլ
չկան. որ գոճէ փախչեն: Գիւղերը կողոպտուում են ու թալանւում: Կատա-
րեալ տերրոր է տիրում ամբողջ շրջանում:

Սէյմ. 28-ին հաստատուեց Սէյմի պատգամաւորների ցուցակը:

Սոցիալ-դեմոկրատ փոքրամասնականների կողմից պատգամաւոր
են ճանաչուած.

- | | | |
|----------------------|--------------------------|-----------------------------|
| 1. Ն. Ն. Ժորդանիա | 12. Մ. Ն. Սմիրնով | 23. Կ. Ա. Անդրոնիկով |
| 2. Ի. Գ. Մերեթի | ✓ 13. Ի. Ա. Բեզգադեան | 24. Գ. Է. Օմիաշվիլի |
| 3. Ն. Ս. Չալիժձէ | 14. Ա. Ս. Լոմսատիճ | ✓ 25. Ս. Գ. Պիրլաճով |
| 4. Ե. Պ. Գեգէչկօրի | ✓ 15. Ղ. Գ. Տէր-Ղազարեան | 26. Գ. Ն. Անջալպարիձէ |
| ✓ 5. Ա. Գ. Ջոհրաբեան | 16. Գ. Ֆ. Մախարաձէ | 27. Բ. Ա. Չիխլաձէ |
| 6. Ն. Վ. Րամիշվիլի | 17. Բ. Մ. Արսէնիձէ | 28. Գ. Գ. Գուրջուա |
| 7. Ի. Ի. Րամիշվիլի | 18. Ե. Ա. Բերնշտէյն | 29. Գ. Արաշիձէ |
| 8. Ա. Ի. Չիսենկելի | 19. Վ. Վ. Թեգայա | 30. Գ. Ա. Գազլօս |
| 9. Մ. Ի. Սկօբօլն | 20. Ս. Վ. Ջիբլաձէ | 31. Լ. Դադէշկէլիանի (մեռաւ) |
| 10. Վ. Գ. Ջիբլաձէ | 21. Պ. Գ. Խօմեթիկի | 32. Վ. Գ. Ախմեաեով |
| 11. Գ. Պ. Գեորգիաձէ | 22. Գ. Պ. Էրաձէ | |

Ժողովրդական Ազատութեան կուսակցութիւնից՝ Ի. Ֆ. Սեմեճով:

Սոցիալ-յեղափոխականներից՝ 1. Վ. Վ. Լուկնիչ, 2. Լ. Ն. Արաբե-
կեան, 3. Ի. Պ. Գոբէշիա, 4. Ս. Ս. Սահակեան և 5. Լօրդկիպլանիձէ:

Դաշնակցութիւնից

- | | | |
|---------------------|---------------------|-------------------------|
| 1. Զօրեան Ռոստոմ | 10. Չիլինգարեան | 19. Հ. Եսալլօջեան |
| 2. Մ. Յովհաննիսեան | 11. Ս. Լ. Վրացեան | 20. Խ. Համաթիիւ |
| 3. Հ. Օհանջանեան | 12. Գ. Ի. Խատիսեան | 21. Գ. Չօլախեան |
| 4. Կ. Համբարձումեան | 13. Ա. Նալչաջիան | 22. Ա. Սահակեան |
| 5. Յ. Զարեան (բժ.) | 14. Գ. Զամոյեան | 23. Պ. Լեոնեան |
| 6. Ա. Շահխաթունեան | 15. Ա. Ի. Խատիսեան | 24. Գ. Տէր-Յարութիւնեան |
| 7. Օ. Ի. Քաջազմունի | 16. Ս. Ա. Խաչատրեան | 25. Ս. Քոչարեան |

- | | | |
|-------------------|---------------------|---------------------|
| 8. Ս. Տիգրանեան | 17. Խ. Կարճիկեան | 26. Գ. Մանդալեան |
| 9. Կ. Ա. Ղազազեան | 18. Մ. Յարութիւնեան | 27. Գ. Տէր-Գեորգեան |

Վրաց Նացիօնալ-դեմոկրատներին՝ Գ. Բ. ԳվազաՎա:
Վրաց Սօցիալ-Ֆեդերալիստներին՝ Գ. Մ. Լասխիշվիլի
Մոսկովեականների Մուսավաթին և *անկոսակցականների*

- | | |
|-----------------------------|---------------------------------|
| 1. Սահմէդ-Իաուֆ Ջաֆարով | 10. Ա. Կարդաշև |
| 2. Ալի Մարդան-բէկ Թօփչիբաշև | 11. Մ. Ռոստամբէկով |
| 3. Ռասուլ-Ջադէ | 12. Ֆ-բէկ Խան-Խօյսկի |
| 4. Ն-բէկ Ռաֆֆէկով | 13. Խ. Խաս-Մահմէդով |
| 5. Գ-բէկ Աղայև | 14. Մ. Գ. Հաջինսկի Մելիք Եզանով |
| 6. Խ-բէկ Սուրբանով | 15. Հաջի Բաքաբէկով |
| 7. Գ. Ա. Սամէդբէկով | 16. Գ. Մ. Ախունդ-զադէ |
| 8. Մ-բէկ Սահմուդով | 17. Մ. Ախիջանով |
| 9. Մ. Գ. Սէյիդով | 18. Խ. Մելիք-Ասլանով |

«Հումմէթին»՝ 1. Ախունդով, 2. Ի. Ավիլով, 3. Ա. Շեյխ-ուլ-խալամով և 4. Ս. Աղամալով:

«Մուսուլման-սօցիալիստների բլօկին»՝ 1. Հայդարով, Ալիխան Կան-տեմիրով, 3. Ա. Սաֆիկիւրդսկի, 4. Ա. Պէլիմով, 5. Բ. Ռիզաև, 6. Դ. Հա-ջինսկի և 7. Մ. Մեհիրբամով:

«Բիթիաստ» կուսակցութիւնին՝ 1. Ս. Մ. Ղօնիև, 2. Մ-եա Միխտիև և Ե. Կ. Մամէդբէկով:

- Այսօր երեկոյեան 7 ժամին Հայ-Ժողովրդական կուսակցութիւնը բաց է անում իր ակումբը իր բլրօյի շինութեան մէջ (Օբօլովինսկի N 25): Խօսելու է բացման մասին Սիքայէլ Իվանիչ Բաքաջանեանը:

Ջալալ-օղլի. 27-փետր. հեռագիր. «Փետր. 21-ին ղըզլըքլիխեցիք յար-ձակուեցին Փոքր-Ղարաքլիխա գիւղի մօտ հայ հովիւների վրայ: Մի հո-վիւ սպանուած է, մէկը վիրաւորուած, հրացանները տարուած են: Փետր. 25-ին Նուփ-Ստեպանովկա գիւղի հայերից Բաշքիչեթի շրջանի թուրքերը բռնեցին տարան 1500 զուլա ոչխար: Փետր. 27-ին մի քանի հարիւր զինո-ւած թուրքեր, վոնդելով գրաֆ Գօտլիքին, բռնեցին տարան 600 կով» - Սի-մօնեան: Երկրորդ հեռագիր 28 փետր. «Ուդէլի մօտ կռիվ է տեղի ունե-նում» - Սիմօնեան:

Հայրոց Ազգային Խորհուրդին 1 մարտի հեռագրում են *Արդահանից*, որ հայ բնակչութիւնը գաղթում է, օգնութիւն են խնդրում:

4 մարտի

Այսօր կատարուեցան ընտրութիւններ Ռուսական Ազգային Խորհուրդի ընտրութեան համար: Գործում էր 4 ցուցակ զանազան խմբերի:

Թխորթիոյ ռազմահաղորդակցութիւն (բռնուած ռադիօհեռագրից տեղեկութիւններ). - ... Լրգրումում մեծ քանակութեամբ քնդամօքներ և ռազմամքերը ե գրաւուած. իսկական քանակը դեռ չի որոշուած: Հայերը կոյրցրել են մօտ 2000 մալոյ: Հայոց գօրամասը մահանջում է դէպի Հւսսան-Ղալա ե Թւրքում: Ծովափին մեր գօրամասերը մօտենում են մախկին պետական սահմանին: Տրապիզոնում մերոնք վերցրել են 82 զանազան չափի բնդանօքներ. իսկ Լրգրումում, ինչպէս ցալոյ պարգում ե, 232 քնդանօք: Մամախաթումում՝ 18 ականացիոյ: Հայոց գօրամասը, որ կազմում ե Էր 2600 հետեակից 6 գնդացիոլ և 240 հեծեալներից, յարժակոեց Ախլոսի ու Կարմուջի մօտ մեզ վրայ, սակայն մեծ կոյրուտներոլ ետ մոլեց: ... Լրգրումում վերցում ե 68 քնդանօք, փոքր քանակութեամբ ականացիոներ և գնդացիոներ ե գլոսահաղորում:

Աւազակներ. Ուրբաթ 2-ին մարտի քաղաքում կալսմաւորոեց ւսմբողջ կազմակերպութիւն 35 հօգում, որոնք իբրև գօրամաս ւսպրելիս են եղել զինուորական շինութեան մէջ, ունեցել են սեփական կառքեր, ւաւօմօքիլ. ձիաներ, գէնք և ւայն և Թիֆլիսի շատ քալաններ կաւապոել են դրանց ձեռքոլ: Զինուորայեղավոխակւսն դատալանը ալո օրն եւ եթ սկսեց մրանց դատը և մարտի 3-ին առաւօտեան 4 ժամին դատալանը կայացրեց վճիռ. որի հիմսն վրայ դրսնցից 12 հոգի (որոնցից 1 հայ, 1 ռուս և 10 հոգի վրացի)՝ մոյն օրն եւ եթ առաւօտեան 5 ժամ 30 յ. հրացանագարկ եղան. միւս 23 վերաբերեալ դեռ քննութիւն ե կատարում: Նրանց բնակարանում գտնում ե ինչպէս վնասումս գոհերի ցուցակը, մոյնպէս և մրանց, որոնց վրայ պլտի յարժակոելին:

Թարիլից գլում են Кавк. Слово-ին, որ ռուս գօրքերի հեռանալոց յետոյ պարսիկները գրաւել են մնացած ռազմամքերքները, քալանել են պահեստները և գրաւել ւսմբողջ Թարիլի-Ձուլֆա երկաթոլոր կայքը:

Սէյմ. - Ե. Պ. Գէգէչկօրին համարեա համաժայնութեան ե եկել կուսակցութիւնների հետ և ալոլեն պատրաստել ե Կաբլնէրի՝ Մինխտրների ցանկը և վաղը մհրկայացներոլ ե Սէյմին ի յայտարարութիւն:

Բաթումում. ակօպլային դրութիւն ե յայտարարումս, քաղաքը լցում ե գօրքոլ:

Ընդհանուր հաշտութիւն. - Լուրեր են պտտում, որ այս օրերս հաւաքուելոլ ե ելրոպական խաղարարը Կօմֆերենցիա, որտեղ եմթադում են կապել ընդհանուր դաշինք Ռուսաստանի հաշուին, վասն զի Անգլիան և Ֆրանսիան չեն կարողանում քոյլ տալ, որ Ռուսաստանում կարող ե հաստատուել վերջնականապէս Գերմանիոյ գերիշխանութիւնը: Тифл. Лист. 4/III N 50.

- Ասում են. որ բօլշևիկները գրաւել են Գանձակը, բայց դեռ լուրը չե ստուգում:

Թիւրքիա և հաշտութիւն. - Հեղինակատր աղբիւրներից հաղորդում են, որ ամենակարճ ապագայում կը լուծուի այն հարցը, թէ շարունակել բանակցութիւնները Թիւրքիոյ հետ հաշտութեան մասին թէ ոչ, որովհետև թիւրքերը շատ անհուսասար պահանջներ են անում Անդրկովկասից:

Կարսից նահանգական կօմիսսար Չամոյեանը հեռագրում է, որ Օլթիի շրջանում քրդական շարժում է սկսուել, ճանապարհներն ու հեռագիրը կտրուած են, յոյն զիւղերը վտանգի մէջ են: Ուղարկուած է զինուորական ոյժ:

Բազուից 2-ին մարտի Գանձակ թուրք և հայ պատգամաւորութիւն է ուղարկել կարգը վերականգնելու համար: Խնդրում են, որ Թիֆլիսն էլ հեղինակատր խառն պատգամաւորութիւն ուղարկէ:

«**Հորիզոնը**» հաղորդում է Բազուի «Արև» թերթից վերցնելով, որ Պարսկաստանով ո՛չ մի անգլիական զօրք չի գալիս, բայց շուտով անգլիացիք կը գրաւեն Մոսուլը, որից 40 վ. վրայ են գտնուում:

Մշակը հաղորդում է, որ փետրուարին վախճանուել է սրտի պայթումից Էջմիածնում բազմալեզուագէտ» և նկարիչ ծեռագրային մանրանկարների Մեսրոպ վ. Մաքսուտեանը: Հանգուցեալը Ապուլէիսի էր, ուսած Կ.Պօլսոյ վարժարաններում, աւարտեց Գէորգեան ճեմարանը, ուսաւ Գերմանիայում և շարունակ աշխատում էր Էջմիածնում: Տիրապետում էր յոյն, արաբ, տաճիկ, պարսիկ, գերմաներէն, ֆրանսերէն, անգլերէն, ռուսերէն լեզուներին և միևնոյն ժամանակ երևելի գրաբարագէտ էր:

Էրզրումից անվտանգ Սարիլամիշ են հասել բոլոր աշակերտներ և ուսանողներ: Կաղզուանի շրջանում խմբուած են մեծ քանակութեամբ վախստուկաններ:

Բազուից. - Փետր. 22-ին Բազու հասած եւրոպացի ճանապարհորդները պատմել են, որ Լեակ և Ուջարի կայարանների միջև թուրք զինուած մասան յարձակուելով երկաթուղու գնացքի վրայ, ներս խուժեց կուպէները և տեղնուտեղը թոկերով խեղդեց 10 հայերի, սրախողխող արաւմի հայ քահանայի, որի դիակը պատուհանից դուրս չարտեց: Մի այլ կուպէում էլ քերթում են ծերունի հայի գլուխը և կարծելով մեռած է՝ թողնում, հեռանում են: Թուրքերի հեռանալոց անմիջապէս յետոյ ծերունին մտնում է դիմացի կուպէն, որտեղ լինում են եւրոպացի ճանապարհորդները: Թուրք աւագակները չբաւականանալով այն չարչարանքներով, որ հասցրել էին խեղճ ծերունուն, մորից ներս են խուժում այդ նոյն կուպէն, դուրս են անում եւրոպացիներին և այս անգամ աւելի զազրելի չարչարանքներ տալով սպանում են նրան: Լեակը - Բազու երկաթուղագծի կայարաններում գտնուում են մեծ քանակութեամբ հայեր, որոնց ֆիզիկական գոյութիւնը անապահով է, խնդրում են շուտափոյտ օգնութիւն: *Եղբայր, ոչ մի հայ չի ցանկանում ձեր արխունտ ազատութիւնը, որին զոհ ենք գնում մենք հայերս լիքը թուրքերից և դդան վկայ է Էշացած Սէյմը:*

5 մարտի

Կոնդակ Էջմիածնի կալուածքների խման մասին

«Գէորգ» ծառայ Յիսուսի Քրիստոսի, կամօքն Աստուծոյ եպիսկոպոսապետ և կաթողիկոս ամենայն Հայոց, ծայրագոյն պատրիարք համագլխան նախամեծար աթոռոյս Արարատեան առաքելական մայր եկեղեցւոյ Սրբոյ Կաթողիկէ Էջմիածնի»

Ամհնարին է ցաւօք համակեալք, զամք ի ձեռն Կոնդակիս յայտ առնել հալազատիցդ մերոց ուղիւց զցաւս, որ հասին մեզ ի վերջնում աւուրս: Ձի ընթեռնումք յօրագիրս, եթէ անակնկալ իմն տնօրինութիւնք Յանձնակատար խորհրդոյ Կովկասեան շրջանի, զան հանել ի ձեռաց Հայրապետի Ամենայն Հայոց և ի ձեռաց Հայ եկեղեցական իշխանութեանց և Հոգաբարձութեանց եկեղեցեաց զամենայն կալուածս վանորւից մերոց և եկեղեցեաց, որով և կապտիմք յիւրսեանց հասոյթից ազգային ընդհանուր սեպիականութեանց մերոց և ստացութեանց, որք ենն յանուն Մեծի Աթոռոյս:

Եւ դժուարին լինի մեզ հաւատալ, եթէ յեղակարծ կարգադրութիւն ինչ վերի վայր յեղեղեցիի հիմնական օրէնք և կարգ տիրապետութեան Ս. Եկեղեցոյս և այն ի ժամանակի, յորում կամքս, ի ժամանակի, երբ ամենայն հաստատութիւն և հատուած ազգային ունի կազմակերպւիլ ինքնորիշ օրինադրութեամբ, ազատական, ինքնիշխան և ի ձեռն ազգային կազմակերպութեանց խրոց:

Եւ զի իրաւունքս այսոքիք այնու ևս առաւել գտանին զօրացեալ և անհեղիլ հաստատեալ. զի ոչ տեղական ինչ են կայքդ և գոյգ, և ո՛չ մասնաւոր ինչ ևն սեպիականութիւն և մատակարարութեան իրաւունք նորին և պատկանեալ միայն Հայոց, որ ի սահմանս շրջանի Կովկասու և կամ ի սահմանս համայն Ռուսիոյ. այլ են նւիրական տուչութիւնք և անկապտոտ սեպիականութիւնք ամենայն Հայոց, որ ի սփիռս աշխարհի և համարձակօրէն իսկ մարթ է հաստատել. եթէ առաւելագոյնք են ի նոսա մասնակցութիւնք Հայոց բնակելոց ի Պարս. ի Հնդկիս, ի գաւառս Տաճկական Հայաստանի և ամենայն Հայոց, որք ի ծագս աշխարհիս:

Եւ չկարէր իսկ այժմ այլազգ ինչ լինել. զորչափ Մայր Աթոռս համարի և է կեղդոն բովանդակ Հայ Առաքելական Ս. Եկեղեցւոյ, զորչափ Գլուխ Ամենայն Եկեղեցեաց Հայոց և ընտրական քահանայապետութիւն առ բովանդակ հայ ժուրիստիւն կայ կապեալ, առ որ յօդեալ են ամենայն անդամք նորս. իբր միոյ և եթ մարմնոյ. իբրև անանջատ մասունք միայնոյ Հայ եկեղեցւոյ:

Առաւել են ծանրայ յաչս մեր տնօրէնութիւնդ այդ, քանզի ըստ նուիրական կարգաց, որ հիմն եկեղեցւոյս մերոյ. հասք և եկամուտ սեպիականութեանց այդոցիկ ի կրթութիւն և ի դաստիարակութիւն մանկանց Ս. Եկեղեցւոյս գնան, յայդ աղբիւր մշտական կան կապեալք դպրոցք մեր ի ստորին ծխականց ցոյլոցս ցճեմարան մեր հոգևոր, ընդ հովանեաւ ո-

յույ կրթեցան և կրթին մանկունք մեր ի գաւառաց Կովկասեան շրջանի, եթէ ի հետաւոր վայրից Երուսիւոյ, Ասիւոյ և Ամերիկայի, ստանց խառութեան իւր: Ի հասիցդ են մատակարարութիւնք այլ և այլ հաստատութեանց կրթականի և լուսաւորութեան Ազգիս, պահապանութիւն Տպարանի Մայր Աթոռոյս, Թանգարանի և ճոխագոյն Մատենադարանի նորին, յոր որպէս սո ճրագ լուսատու ոչ սակաւք են, որ գան յուսումնասիրութիւն ի գիտնոց: Ի ձեռն աղբերացդ են, որ պահպանի եկեղեցականութիւն Ս. Եկեղեցոյս ի Գլխոյ նորին ցլետին սպասաւոր, և եթէ խցեսցին աղբիւրք, ապաքէն և զմահ հաստատութեան հաւատոյս ունիմք տեսանել ի մօտոյ:

Եւ արդ, եթէ ի ժամանակս բռնութեան և հալածանաց ւզգն Հայոց ոչ ամենեկին դանդաղեաց ծառանալ ընդդէմ բռնութեան ի պաշտպանութիւն իլսուանց իւրոց, մի՞թէ յաւուրս ազատութեան, ինքնորիշ կազմութեան չեւանիցէ մէն մի անհատ ժողովրդեան իմոյ դէմ դնել անիրաւի որոշման և ասել ի ձայն բարձր, եթէ «Մի որ յամարձակեցի բռնոյ զսեպհականութիւն մեր, որ ժառանգեցաք և ի պահապանութիւն որոյ ունիմք դնել զկեանս մեր իսկ»:

Ուրախ ենք ի սիրտ և ի հոգի, զի իրաւունք սեպհականութեան մերոց դրացեաց, գվարաց ասենք և զմահմեղականց, կան և մնան անշարժ որպէս և ակն իսկ էր և իրական:

Արդ մի՞թէ հայն առաւել նուազ ունի ցուցանել ոգի ասպետական և զւեր կրօնական, քան զդրացիս իւր. մի՞թէ ոգի նորա ունի խոնարհել ընդ լծով անիրաւացի որոշան: Զա՛ւ. զիտենք և հաւատամք, եթէ զտցի յազգի իմում նոյն ոգի առաքինի ասպետութեան և զգացման առ սրբութիւն հանրական սեպհականութեան իւրոյ:

Մաղթիմք սրտագին կար և զօրութիւն ամենեցունցդ յայս գործ մեծ և աղօթենք հասնել ի գլուխ պաշտպանութեան իւրեանց եկելոց առ մեզ ի նախնեաց մերոց և տալ սերնդեան մերոյ, որ զկնի մեր:

Ողջ լերուք զօրացեալ ի Գլուխն հաւատոյ Մերոյ և օրհնեալք Մենք: Ամեն:

Գէորգ Ե. Կաթողիկոս Ամենայն Հայոց

Ի 10-ն Յունուարի 1918 ամի ըստ տոմարիս Ռ34 է

Ի Հայրապետութեան մերոյ Է. ամի յԱրարատեան Ս.

Աթոռ Ս. Էջմիածին: Ի Վաղարշապատ, Թ. 44:

- Լուրեր են պտտում, որ Տրապիզոնում մեր պատուիրակութիւնը անյաջողութեան է հանդիպել, և տաճիկները պահանջել են մանդատներ:

6 ជម្រកសត្វ

Տաճկական հաշտարար պատուիրակներն են՝ 1. Հոսեփն Բաուֆ բէյ, առաջին կարգի կաթիլտան, կայսերական Ծովային բաժնի շտաբի պետ, առաջին պատուիրակ (նախագահ), 2. Մահմէդ Նուսրէթ բէյ - արտաքին գործոց նախարարութեան իրաւաբանական մասի կառավարիչ, 3. Դոքտոր Թէֆֆիկ Սալիւմ բէյ - գնդապետ, Կովկասի ճակատի տաճկական բանակի գլխավոր բժիշկ, 4. Խոզդուլ բէյ - ընդհ. սպայակոյտի սպայ, Կովկ. ճակատի օսմ. բանակի օպերատիւ մասի պետ, 5. Իսուֆ Ռիզա բէյ - պալեստին սպայ, 6. Իսմայիլ Համի բէյ, առաջին քարտուղար, Պոլսի իւրաքանչեւ պրոֆեսոր, 7. Համիդ բէյ - օսմանեան կայսերական նաւատորմի առաջին կարգի կապիտան-քարտուղար, 8. Լէյսենման Աբդուրահման - քարտուղարի ադիուտանտ:

Բառուֆ բեյը ողջունել է մեր պատմության հաջողությունները, որին պատասխանել է Չխենկելին: Բառուֆ բեյը ինքնաբերաբար ստանձնելով նախագահի դերը, արտասանել է հետևեալ ողջունի ճառ. «Շնորհակալ լինելով երկնքին. որ ինձ առիթ շնորհեց իմ երկրի և ընկերակիցների անունից բարի գալուստ մաղթելու յարգելի ներկայացուցիչներին Անդրկովկասի. որը ցարիզմի անկումից յետոյ աստիճանաբար առաջանում է անկախութեան ճանապարհով: Ես պատիւ ունեմ դիտելու այս առիթը իբրև իմ կեանքի ամենահաճելի ուրախութիւններից մէկը: Յսնձին ձեր, այսօր ողջունելով ձեր երկիրը՝ ոչ միայն ձեռնարկեցինք և դիպլոմատիկական արանդութիւնների ամերթաշտութիւնից դրոյված՝ ես աւելի շուտ ոգևորւած եմ յարգանքի զգացմունքով և աջակցելու ցանկութեամբ այն գործին. որի ներկայացուցիչն էք հանդիսանում դուք: Ինկատի ունենալով, որ ցարիզմի դէմ մեր մղած բոլոր պատերազմական գործողութիւնները եղել են մեր երկրների համար պաշտպանողական պատերազմներ՝ ես կարծում եմ, որ մեր ընդհանուր ճակատագրական պատերազմներ՝ ես կարծում եմ, որ մեր ընդհանուր փառաւոր պատմութեան ընթացքին: Վերջին մեր ապրած շրջանը, դժբախտաբար, խանգարեց շօշափելի կերպով գործադրելու մեր պատմական պարտականութիւնը ձեզ օգնելու գործում, և ես համոզւած եմ, որ մենք բոլորս այստեղ համարում ենք մեզ բաժանող արգելքի անկումը սուելի կարևոր երևոյթ. քան ամենից աւելի աչքի ընկնող դիւսնագիտական յաջողութիւնը. որովհետև մեզ միացնող կապերը հանդիսանում են ոչ միայն պատմական ու աշխարհագրական, այլ աւելի շատ ազգակցական կապեր. որ բոլորս են մեր ընդհանուր սնցնալից: Հենց այդ պատճառով Կովկասեան և տաճկական ժողովուրդները այժմ կազմւած են միևնոյն կրօններից և ազգերից և համարեա միևնոյն պատմութիւն ունին: Ոգեորւած այս զգացմունքներով՝ ես մաղթում եմ երջանիկ ելք մեր խորհրդակցութիւնների համար և յայտարարում եմ առաջին ընդհանուր նիստը բացւած»:

Այս ֆրանսերեն լեզուով արտասանած ճառին Անդրկովկասեան պատուիրակութեան նախագահ Չիւենկելին պատասխանել է Բառֆ թէյին հետեւեալ ճառով, որ այստեղ առաջ եմ բերում ամբողջութեամբ. «Անդրկովկասեան Սէյմի հաշտարար պատուիրակութեան անունից մատուցանում եմ իմ ամէկեղծ շնորհակալութիւնը օսմանեան կառավարութեան հաշտարար պատուիրակութեան նախագահին այն ողջոյնի խօսքի համար, որը նրան հիսճելի եղաւ հենց հիմա արտասանելու: Սրա հետ մեկտեղ ողջունում եմ տաճկական պատուիրակութիւնը:

Ես առանձին ուրախութիւն եմ յայտնում օսմանեան կառավարութեան պատուիրակութեան նախագահի սղջոյնի խօսքի վերջին մասի սոքիւ. ցանկանալով յաջողութիւն յառաջիկայ ընդհանուր աշխատանքին, պատուիրակութեան նախագահը յայտնեց, որ նրան իբրեւ հիմք, նա դնում է անկեղծութիւնը: Անդրկովկասեան պատուիրակութիւնն առանձին վստահութեամբ է վերաբերում այդ խօսքերին, մանաւանդ որ երկու երկրների միջև բարեկամական յարաբերութիւնները հաստատելու նախաձեռնութիւնը բոլորում է օսմանեան կառավարութիւնից, իսկ ինչ վերաբերում է Անդրկովկասեան ժողովուրդներին, նրանք յանձին Անդրկ. Սէյմին յայտնեցին անկոտրում հաւատը հաստատելու Տաճկաստանի հետ ամենաանկեղծ և բարեկամական յարաբերութիւններ:

Եթէ ձեզ հաճելի եղաւ ասելու, որ դուք համարում եք ձեզ համար բացառիկ հաճոյք մեզ ողջունելու հնարաւորութեան վայրկեանը, թոյլ տւեք մեզ աւելի ևս յաւակնութիւն ունենալու այդ հաճոյքին, որովհետև Անդրկովկասեան պատուիրակութիւնն առաջին անգամ լիազօր օրգան Սէյմի անունից դուրս է գալիս միջազգային հյարաբերութիւնների ճանապարհը: Հենց այդ պատճառով, որ մենք առաջին անգամ ենք գալիս, մեզ հարկ չկայ դիւանագիտութիւն անելու: Ամեն մի դիւանագիտութիւն, ամեն մի գաղտնիքի բացակայութիւն - ահա՛ դեկավար սկզբունքը Անդրկովկասեան յեղափոխական ժողովուրդների:

Անդրկովկասի ազատ ժողովուրդները, որոնք իրենց ձեռքն են առել իրենց ճակատագրի տնօրինումը, ի վիճակի կը լինին պաշտպանելու իրենց երկրի շահերը, բայց պաշտպանել այնպէս, որ ոչ մի դէպքում չխանգարեն հարևան ժողովուրդների շահերը:

Սէկ անգամ էլ ողջունելով ձեզ՝ ես վերջացնում եմ նոյն բանով, ինչով հաճեցիք վերջացնել և դուք. մենք ոչ միայն ցանկանում ենք յաջողութիւն մեր զբազումների, այլև տալիս ենք կատարեալ երաշխիք, որ բովանդակ եռանդով պիտի ձգտենք անկեղծ և բարեկամական յարաբերութիւններ հաստատելու Անդրկովկասի և Տաճկաստանի ժողովուրդների միջև»:

SAMVEL MURADYAN

**PAGES FROM H.TER-ASTVATSATRYANTS' NEWLY DISCOVERED
DIARY "TRAGEDY MEMORIUM" (1918)**

The consisting of 243 standard pages handwritten diary reflects the most important political, economical and ethnic incidents in the first half of 1918 in Transcaucasus, Turkey and other neighbouring countries. The author is well informed inhabitant of Tbilisi H.Astvatsatryants, who often participated in those incidents. The work has been kept in archive of M.G.Nersisyan. In this publication the inscriptions made from 1st to 6th of March, 1918 are being presented to reader.